


Coro Tutti Fruti a cera e aña escolar cu un atardi musical na

Biblioteca Nacional Aruba



Hobennan di coro Tutti Frutti cual ta dirigi pa señora Maybeline Arends- Croes, a tene tremendo presentación di diferente cantica na Papiamento, Spaño, Ingles y Hulandes, den e sala di Biblioteca Nacional Aruba. Den un ambiente hopi agradable y familiar mayornan, amistadnan y publico presente a disfruta di e bunita stemnan hubenil cu e coro Tutti Frutti tin. Tur aña nan ta scoge diferente caminda pa tene nan clausura escolar y e aña aki nan a scoge pa hasi un atardi hopi agradable yena cu musica na Biblioteca Nacional Aruba. E edad di e muchanan ta cuminsa di 8 aña bay te na

grandi caminda nan ta practica un biaha pa siman y asina nan ta duná henter e aña diferente presentación, manera na instancianan, hotelnan, y na eventonan cu nan wordo invita. Grandi y chikito a goza di e tremendo atardi aki cual tabata hopi creativo yena cu diferente cantica educativo cu letranan hopi bunita y relahante, na unda señora Maybeline cual ta fundadora, na aña 1969, di e coro Tutti Frutti a compañía e hobennan cu piano. E evento aki no a wordo teni pa ta un concierto, pero e atardi musical a bira un tremendo concierto cu e impactante presentación cu e hobennan aki di e coro Tutti Frutti aduna.